



御選宋詩卷第二十七目錄

七言古詩三

韓維五首

范純仁三首

祖無擇一首

鄭俠一首

馮山二首

趙衮一首

沈遼六首

王令二首

方惟深一首

御選宋詩

卷二十七目錄

程顥一首

程頤一首

文同四首

徐積四首

蘇軾三十三首



御選宋詩卷第二十七

七言古詩三

韓維

讀杜子美詩

寒燈熠燿宵漏長顛倒圖史形勞傷取觀杜詩盡累紙
坐覺神氣來洋洋高言大義經比重往往變化安能常
壯哉起我不暇寐滿座歎息喧中堂唐之詩人以百數
羅列衆制何煌煌太陽垂光燭萬物星宿安得舒其芒
讀之踴躍精胆張徑欲追躡忘愚狂徘徊攬筆不得下
元氣混浩神無方

對雨思蘇子美

御選宋詩

卷二十七

韓維

一

五月陰盛暑不效飛雲日夕起嵩少回風颯颯吹暮寒
翠竹黃蕉雨聲鬧北軒孤坐默有念人生會合那可料
昔與子美比里閭是月秋近足霖潦吾徒無事數相過
日策疲馬度深淖升君之堂伏君几果餌羅列亦稍稍
開尊得酒味已酢輔以諧謔聊可酬長歌激烈或孤起
大論紛紜時一譟颯然夜氣變淒栗連披短褐曳顛倒
且欣主人同氣類安問鄰家厭呼笑而今相望各千里
跼促有如魚在罩人生此樂不易得世事榮辱何足校
行當結侶候春水一訪洞庭湖上棹

之 孔先生以僊長老山水略錄見約同遊作詩答

羣峰羅立青巉巖中有佛廟名香巖飛泉洶湧出峰後
四時激射喧蒼巖跳珠噴雪幾百丈下注坎險鍾爲三
援蘿頰瞰石底淨明鏡光溢青瑤函淙流四走渠與竇
左右吞嚙何其饒緣源散討不知極但見洞穴爭欽嵌
攀藤直上出雲背巖戶閉邃疑神緘仰窺陰洞看懸乳
白龍垂鬚正鬢髮或凝如蓋覆宛宛或散如指長摻摻
有臺高下且十數如以勢位相臨監平鋪老蘚柔可坐
誰藉綠罽遺不拈北山之石何瑣碎形制一一如鐫鑿
叩之清越諸谷應不意此地聞韶咸已霜桂樹垂凍壁
未臘梅葢輝晴嵐浮屠曰仙好事者奄有勝跡窮搜探
書之遠寄龍山下云此僅止存都凡先生以本來示我

御選宋詩

卷七

韓維

二

謂我所好同甘鹹相期歷覽在他歲事高意篤非予堪
人生蕭散不易得常苦世累爲羈銜吾徒幸當治平日
况又無事於牽貪便須巾車不可後願以几杖從君南
奉同原甫槐陰行

天門觀闕雙凌霞下有馳道開平沙高槐左右覆朱樑
綠陰翠氣相蒙遮朝回亘雲下寶騎游散掣電奔香車
吾慙太學官况冷旦暮出此驅疲駟清風吹涼南就局
炎日轉景東還家昏然百事不知省空復春葉零秋華
次韻和平甫同介甫當世過飲見招

炎風得秋亦已涼喜抱塵策羅南窗策中古人不可見
獨詠君子予心降高文大論日傾吐響快有類鐘應撞

却嗟吾儕多暇日，俚謠暴詭何其咙。驅車正得我所念，起具肴蔌陳栝缸。自憐愚戇接豪邁，敝履乃與華冕雙。聖經王道有本末，斟挹醇粹揮其尤。須臾上下今與古，武庫攫攫千矛縱。疑懷滯義一開豁，有如暗室來明缸。馮侯抗議亦殊健，短鈞長鈺相撐拏。從介卿後至語閒，暇偃載戈甲韜旌。幢弱弓枉矢尚何用，久已束手甘避逢。是時君有山陽役，扁舟已具河之砮。朝吟淮山翠，撲撲夜夢楚水鳴。淙淙軒然欲去坐，所惜文字雅正姿。信控行年三十不得飽，况有薦道登朝邦。遂令奔放不自斂，欲侶魚釣終湖江。朝廷搜賢無遠近，北盡塞漠南嶺瀧。如君才大齒且壯，安可推亮而居龐。來詩云孔明勿問襄陽龐功名得時

御選宋詩

卷二十七

韓維

三

看樹立豈若都尉蒼空廡

答賀中道燈夕見詒

春風揭屋沙激窗，兀然孤坐如植杠。酒昏兩眸澀不視，案上書策徒從從。獨待高篇恣哦詠，頓覺精銳還軀腔。前時官家不禁夜，九衢豔豔燒明缸。綵山插天衆樂振，游人肩摩車轂撞。君子此時守經籍，直欲行業純不尨。想初嘉句落紙際，筆下滾滾來長江。我今散懶世味薄，惟於靜者心爲降。江翁蕭閑梅老澹，文字酬酢矛鏃恨無奇麗與鬪角。日策疲馬參其雙，能來相從不憚數。與子賦詩傾酒缸。

范純仁

次韻曼叔見寄

予生三十愚且蠢樂善自許人難雙前年杞城拜夫子
似處幽薮逢明缸交情期與道義久第媿蟻蛭臨崆峒
兵厨得酒不自飲攜挈過我盈尊缸追游頗縱山水樂
涼風皓月臨溪缸長歌高嘯助清景徹曙未肯回舸艤
別來節物皆一換秋風慄慄陵踈窗韓庵幽蓮隨紅粉
崔榭密竹森雲幢過從往往臻靜默兀坐終日如枯椿
得君新詩成杼軸目未窮紙心先降指摘萬象無不到
發慮百中如甘逢搜情引思勉欲和畎溜豈合追湍瀧
念君懷道滯山邑誰者肉食居高麗方今明聖締堂構
采將材幹恢鴻龐長松偃蹇臥澗谷梓匠誰與來扶扛
御選定詩

卷五

范純仁

四

入登明堂柱九室氣象凜凜尊家邦復使天下貴儒術
頌聲千載長錚淙

同王弱翁宿廣化寺

能知真樂唯吾曹聲利外物誠無撓深山窮谷苟遂性
膚體不厭常枯焦况如佳景擅天巧會與仁友相追邀
龍門伊洛古今勝蒼巖翠壁雙峇堯疏鑿宛見神禹跡
懷襄旣乂熙堯朝千龕萬宇變佛室鐘磬梵唄何喧囂
唐僧無畏號神雋當時聲勢尤翹翹開山撥壤盡奇秀
樓殿勢若風中飄高甍垂空插雲翼連閣跨路馳星橋
深沉神物潛擁護顯敞燕雀如矜驕搜奇選勝幸遲日
禪堂解榻眠清宵灘聲蕭蕭雜羣籟天真不啻聞咸韶

凌晨攜策度翠巘竹溪深處從僧招融融朝暉射巖谷
雜花爛熳紅欲燒令人即欲置萬累百年盡向游中消
乃知神仙有窟室我意已欲陵煙霄

和王微之赴韓持國燕集

潁川太守無羈束爲政課甲纔第六里中耆舊六七翁
漸閑勇退皆高躅獨愧衰疲掌民社謾擁熊軒駕丹轂
身病何由安百姓才薄豈當尸厚祿巧匠居旁只坐觀
老手其能袖間縮唯有過從相愛心青松不肯更寒燠
韓公開宴坐高堂帳帟垂紅窗綺綠簾深不散玉爐香
夜長屢剪銅盤燭從容談笑雜笙歌爛熳看珍兼海陸
翩翩舞態學驚鴻嘹唳龍吟出橫竹與公進退晚相同

御選宋詩

卷七

范純仁

祖無擇

五

曾共憂勤參大麓酒量從茲減壯年豈復長鯨吞百谷
興來猶勉奉公歡金尊未釂先頽玉且同萬物樂時康
况慕諸君知止足

祖無擇

題袁州東湖盧肇石

袁山之陽秀水側草覆遺基誰氏宅皆云子發其姓盧
往以文章名籍籍宅中舊物何所存惟有嶙峋一區石
潤纔三尺高倍尋久臥塵沙羣瓦礫余心好異因獨往
下馬環觀聊拂拭地表可見十二三已足駭動魂魄
呼工運錘塹其旁挽以長絙百夫力雜然鼓譟登大車
恍爾如蒙巨靈擘選置東湖最佳處四面澄波映天碧

倚空突兀無與鄰頓覺亭臺增氣色彎環幽竇莫敢擅
恐有乖龍飛霹靂余嘗南游到陽朔衆峰矗矗春筍植
捫蘿踏蘚窮之遍若此奇卓曾未識郡人奔走來如雲
故老驚視復唧唧乃言此石遇眞賞屈指於今年二百
沉埋曠代誰爾珍一日光價逾荆璧嗟余束髮大夫後
區區志尚惟孤直十年再謫非不窮猶慕堅純無改易
如何故老不我愚感物再三形歎息石不能言人有言
勿使他時重湮阨

鄭俠

次韻种道行衙賞蓮花

城中勢利如聚蛙聒聒鼓鬧窮兩衙忽聞攜尊命眞賞
御選欠詩

卷三

祖無擇

鄭俠

馮山

六

如見池湧金蓮花况茲危亭跨高爽極目四顧窮天涯
紅蕖繚繞幾數畝盛妝翠蓋相撐拏輿肩不換足已到
咫尺異彼窮幽遐居之自可換凡骨不必飲露餐朝霞
堂堂露衢不戶牖非此非彼無追賒幸時有酒共醪酌
不爾一啜先春茶楸枰小小較勝負往往笑語成謹譁
歸來清風恐飄帽月影已向西樓斜長舒兩脚就枕簟
一覺已聽清晨笳

馮山

八陣磧

永安宮前灤西磧萬流峽口爭奔激秋濤卷地裂山谷
水落依然陣圖出陣形聚拳六十四傳是武侯親手跡

斯人管蕭豈足道身在巴東心漢室從容所遇皆法制
浩蕩胸中萬分一陰機暗與天地合壯氣曾將鬼神役
至今千載矻不動渺莽幾深難致詰豈徒豪傑重嗟賞
應有神靈長護惜廟偏裸裎七壯士酒炙紛紛走巫覡
萬事顛倒皆偶然臥龍無處沾餘瀝

求劉忱明復龍圖爲畫山水

晉唐諸公重小筆高價直與才名俱然多華丹少泉石
清格往往人間無至今百存無一二存者真僞難分區
營丘李成稱絕跡峰巖秀拔非常模穆之灑落亦其亞
玉堂屏上瀟湘圖董屈許范凡數輩隱隱俗氣藏肌膚
乃知山水係絕品筆墨造化非功夫要之文章之緒餘

御選宋詩

卷三

馮山

七

世上真巧歸吾儒益昌臺府少文字見性文空談毗盧
龍門雪景生坐隅山潛水奧爭奔趨倚空直榦鬪孤聳
緣險古道盤縈紆擁衲禪僧對寂寞攜琴朝士來崎嶇
主人肆筆聊自娛新言默與天機符公家清白傳數世
經濟滿腹冰霜壺一言不用輒掉臂五年蜀使甘馳驅
時將素毫寫胸臆寧復意外分精粗復古雖清尚許格
與可亦壯非燕徒豈如公思脫羈束破碎萬華傾江湖
窮冬從公熟窺看愛重不覺聲嗟吁靈峰北苑助蕭爽
雪不到地風號枯平生好畫已成癖寧借不許臨與摹
出公門下欠公筆有類海客遺明珠願公乘興一揮洒
東絹數幅光芬敷異時解組還故廬皎潔將伴林泉軀

趙袞

平江亭邀馮山允南同作

文公昔記滕王閣氣象終天拂寥廓崔顥題詩黃鶴樓
今日聲華還磊落安漢城頭有佳處江山清氣歸簾幕
少陵無人謫仙死不遇材豪終寂寞蒼苔滿地荆棘生
梁棟塵埃喧鳥雀風流賢守一登臨久倚闌干情不薄
夜來風月覺澄清天意人心如素約仙葩當見浮空來
幾百年來無此作嗟予好古今白頭到底支離材力弱
木桃或見致瓊瑤免對江山負慙怍

沈遼

白髮

御選宋詩

卷二十七

趙袞

沈遼

八

山頭甘實半已黃領上白髮日更長青雲合散寄孤岫
世事悲歡空夕陽我欲乘風學禦寇冷然有意尋滄浪
滄浪無人誰與適青山路遠煙茫茫

送世美歸陽羨

我昔求爲陽羨令輕舟已有鴟夷興最愛銅棺山峻極
自結籃輿陟雲徑銅棺山插南斗魁下視羣峰如突屨
太湖千里在矚睫高深從此窮攀躋欣然有意即獨往
明月夜夜眠荆溪當時便可跨黃鵠何意人間同木雞
飄飄數年如一夢邇來卜室齊山西故人多謝姚夫子
數枉車馬來山蹊秋風忽指陽羨去欲脫黃綬躬鋤犁
人生衣食苟自足何爲卑辱趨塵泥田間九月白酒熟

鱸魚正肥多置筮老夫爲君更破戒臨風引領長江堤
次韻和宋平

憶昔銜杯折梅處孤山寺前千丈塘橫遮青林鬪殘雪
暗入紅袖留香往遊都城雖屢賞縱有素豔終殊芳
莫辭遶林行百匝更嚼嫩蘂薰愁腸

次韻酬李正甫對雪

苦寒冽冽日夜增朔風軒軒勢相凌遙山碩碧空峻嶒
高堂閑坐擁敝繒欲酌一杯意已仍結歌黃竹但伏膺
愁雲漫漫方四騰海氣上薄初不勝雪霰雜下風作稜
漸著弱柳頭鬪鬢半積軒砌發幽層枯樹兀兀愁饑鷹
紛然不已失溝塍一飲一斗心易矜試步薄冰猶戰兢

御選宋詩

卷三

沈遼

九

禪僧巖

瀟湘山水窮欲徧最後乃得禪僧巖禪僧成道久已化
獨有崖峩青巉巉降身入洞不甚險突兀三室誰彫剗
東西有道若蛇竇白雲羃羃門無緘持火旁行不知際
七穿八竅遙相銜涓涓乳泉白如雪由來此地殊仙凡
主人引我復深入行指嶼穴尤嵌崒中間石鼓有異響

擊拊想可參韶咸吾身久病苦下溼復畏神怪來邀攬
直趨出洞上南巘豁若巨海張雲帆山花爛斑出竹梢
亦有禽鳥聲誦誦欲還未可復小駐日脚已過東岡杉
贈別子瞻

平生雅游着陽客五年不見鬚已白借田東坡在江北
芟夷蓬蒿自種麥相逢不盡一尊酒故態那復論歡戚
手抱阿武勸餘瀝維摩老夫失定力老夫寂寂出三湘
更欲卜居池水陽薄田止須數十畝田上更樹麻與桑
老來正苦迫生事清明雖近猶可秧穰稔若可博乾麩
以無易有遙相望我舟即行不可駐欲卜後會誠茫茫
他時有信若可寄不用辛苦爲詩章

御選尺詩

卷三

沈遼

王令

王令

題宣州太平縣衆樂亭爲孫莘老作

令君亭架樂荒幽得地適與萬景投亭成雖名爲衆樂
地僻無客誰與遊訟休民去吏隨散獨有文字與今留
把書開闔坐自笑回視令職忘卑陬昔聞酒賤喜易醉
今說魚美予何憂彈琴有聲尚近俗要解弦絕以意求
况持高懷居下邑志氣略與彭澤侔身嬰民憂手持版
心愛山水寧非偷景好不見但聞說使我耳目私相讎
亭前行跡不破草亭下野鳥常喧啾山雲朝噓翠巘出
海月夜下清溪浮春華夏蔭已可愛况使風雪回冬秋
惜予不得與快意共上岑峯望九州黃山聞好眼未識

夢想欲到迷無由圖傳粉墨固未好願假壯筆一攬收
果逢來篇騁雄勝若執造化窮雕鏤一時文工豈不偉
千里寄我何以酬耳昏俗語久欲洗爲我一謝山前流
同顧保之游靈隱

閉門不知春色到出門始見江梅開行探幽泉至高捷
共坐巨石聊徘徊時逢天風吹客懷還有野鳥驚人來
林間眄惜所未歷歸馬空載斜陽回

方惟深

偶造一園亭不遇主人自盤礴終日因題壁間
何年突兀庭前石昔日何人種松栢乘興閑來就榻眠
一枕春風君莫惜城西今古陽山色城中誰有千年宅
御選宋詩 卷二十七 王令 方惟深 程顥
來往何必見主人主人自是亭中客

程顥

陪陸子履遊白石萬固

條山蒼蒼河流黃中蒲形勢天下強帝得賢侯殿一方
四年不更慰民望元豐戊午季春月上心閔雨愁黎蒼
使車四出走羣望我亦奉命來陝疆精誠感格天意順
詔書才下雨已霽病麥還青禾出土野農鼓舞歌君王
故人相見不道舊爲雨歡喜殊未央聖主寬憂小臣樂
自可放蕩舒胸腸白石萬固皆勝地主人爲我攜壺觴
况逢佳日俗所尚車馬未曉填康莊扶提十里雜老幼
迤邐千騎明戈槍初聽鳴鐃入青靄漸見朱旆輝朝陽

遨頭自是謝康樂後乘獨慙元漫郎侯來雖知有賓客
衆喜更爲將豐穰臨溪坐石遍巖谷幽處往往聞絲簧
山光似迎好客動日景定爲遊人長乘高眺遠興不盡
戀戀不知岐路忙人生汨沒苦百態得此盛事真難常
我辭佳境已惆悵侯亦那得久此鄉他時會合重相語
辜負泉石何能忘

程頤

聞侯舅應辟南征詩

辭華奔競至道離茫茫學者爭驅馳先生獨奮孟軻舌
扶持聖教增光輝志期周禮制區夏人稱孔子生關西
當塗聞聲交薦牘蒼生無福徒爾爲道大不爲當世用
御選宋詩 卷三七 程頤 文同
著書將期來者知今朝有客關內至聞從大幕征南垂
南垂凶寇陷州郡久張螳臂抗天威聖皇赫怒捷音緩
虎侯秉鉞驅熊羆宏才未得天下宰良謀且作軍中師
叢爾小蠻何足殄庶幾聊吐胸中奇

文同

採藥歸晚因宿野人山舍

東巖陰深崖巘古夾澗垂泉結鷺乳我來採藥晚忘歸
試宿荆扉問雞黍春風滿林燈火冷一夜不眠山月苦
平明攜策下青蒼松葉紛紛洒新雨

山中新晴

山中新晴曉煙暖散帶頽冠漱巖畔海鹽未去猿鶴喜

柴桑初歸松菊亂林間餘雨時一滴嶺上飛雲忽雙斷
安能舉手恣扶搖欲共高鴻拂霄漢

送知府吳龍圖

國初以來治蜀者處置盡自乖崖公當時奏使便宜敕
不與天下州府同行之已及八十載奸宄消伏誰之功
因循至此漸抗敝有未曉者時相攻鞭笞小罪亦檢察
不許略出常科中下民知之頗不懼州縣往往藏羣兇
側身斂足未動者實以累朝恩澤隆公之初來蜀人喜
慈愛舊熟民情通衆心歡然恥犯法採藥浮薄歸醇醲
盡將約束付僚吏興起學校還文翁二年美化極沾洽
遠近循服如偃風上將歸公問誰代當使間作如笙鏞

御選宋詩

卷二十七 文同

十三

遂求元老得青社其人廊廟之宗工往年鎮撫有異績
大旆再遣來於東公今與之合符去到必奉詔參夔龍
大資舊德固無慮剖判自出其心胸所憂厥後嗣之者
忠定良法還如空養頑活狡作淵藪不免剪殄煩興戎
因之憤懣久填臆言賤不得通九重願公上殿起居罷
第一用此聞宸聰

自斜谷第一堰泝舟上觀石門兩岸奇峰最爲
佳絕

北風吹雲落寒水逆波刺船行五里層巒夾空抱叢石
萬劍側脊翠煙起草木枝葉自殊別禽蟲羽毛亦奇詭
安得雞冠數稜田便可誅茅此居止

徐積

再送端叔

關中日落時但見山相接塞上閉城時但聽吹蘆葉延
州平安火過早月出山頭照孤堡王家池上醉欲倒銅
鉢聲中詩已了落筆揮成露布草主人更索平戎表文
章意氣入冥杳金船插羽如飛鳥諸君鼓吹高牙曉大
纛門開撲餘燎壯士犀衣劒氣寒客身依舊青霞繞陸
生待寄梅花枝庾郎莫愛芙蓉好

送李昂長官

征南兵勢欲平蠻車聲殺氣秋風寒南國此時霜霰早
八月草黃楓葉丹江有渚兮山有麓君向洞庭何處宿

御選宋詩

卷三七

徐積

十四

四垂大幕亂波平九嶷山送愁嵐綠日斜葉落黃陵祠
月明風起清湘竹愁娥遠放峽雲來寃臣暮借江聲哭
鴈號孤喙度蒼梧猿叫哀腸抱霜木君看樵塢與漁邨
綠橘黃柑隨柿熟此行正合風騷情縣衙仍在衡山足
新嵐老翠滴吟窗風松雲溜生琴曲衡人側耳聽先聲
報道官來不碌碌可使汝農無逃田可使汝市無寃獄
汝胥可脫簿書煩汝民可免鞭笞辱日中放吏不坐廳
夜半投金不受囑迴時唯載俸餘錢茶滿衡山無一掬

送陳長官赴衡陽

楚天搖落霜風早山色依依江渺渺洞庭水寒帆影孤
鴈聲正在衡陽道君不見屈原憔悴賈生天遺恨至今

猶未了日晚江頭船住時行人莫望江邊草

暴雨

玉女投壺天大笑千尋火炬當空照老龍行遲天忽怒
雷車壯士鉤連鼓黑鱗鐵甲十萬許急把銀河傾作雨

蘇軾

辛丑十一月十九日既與子由別於鄭州西門
之外馬上賦詩一篇寄之

不飲何爲醉兀兀此心已逐歸鞍發歸人猶自念庭闈
今我何以慰寂寞登高回首坡壠隔惟見烏帽出復沒
苦寒念爾衣裘薄獨騎瘦馬踏殘月路人行歌居人樂
僮僕怪我苦悽惻亦知人生要有別但恐歲月去飄忽
御選宋詩

卷二十七

徐積 蘇軾

五

寒燈相對記疇昔夜雨何時聽蕭瑟君知此意不可忘
慎勿苦愛高官職

僕曩於長安陳漢卿家見吳道子畫佛碎爛可
惜其後十餘年復見之於鮮于子駿家則已裝
背完好子駿以見遺作詩謝之

貴人金多身復閒爭買書畫不計錢已將鐵石充逸少

法帖大王書中有殷鐵
石字鐵石梁武帝時人

更補朱繇爲道元

世所收吳道子
畫多朱繇筆

煙熏屋漏

裝玉軸鹿皮蒼壁知誰賢吳生畫佛本神授夢中化作
飛空仙覺來落筆不經意神妙獨到秋毫顛我昔長安
見此畫歎息至寶空潜然素絲斷續不忍去已作蝴蝶
飛聯翩君能收拾爲補綴體質散落嗟神全志公彷彿

見刀尺修羅天女猶雄妍如觀老杜飛鳥句脫字欲補
知無緣問君乞得良有意欲將俗眼爲洗滌貴人一見
定羞作錦囊千紙何足指不須更用博麻縷付與一炬
隨飛煙

二十七日自陽平至斜谷宿於南山中蟠龍寺
橫查晚渡碧澗口騎馬夜入南山山谷中暗水響龍瀧
嶺上疎星明煜煜寺藏崑底千萬仞路轉山腰三百曲
風生饑虎嘯空林月黑驚麝竄修竹入門突兀見深殿
照佛青熒有殘燭媿無酒食待遊人旋斫杉松煮溪藪
板閣獨眠驚旅枕木魚曉動隨僧粥起觀萬瓦鬱參差
日亂千巖散紅綠門前商賈負椒莽山後咫尺連巴蜀
御選宋詩 卷二十七 蘇軾
何時歸耕江上田一夜心逐南飛鵠

漢陂魚

霜筠細破爲雙掩中有長魚如卧劒紫荇穿腮氣慘悽
紅鱗照座光磨閃攜來雖遠鬣尚動烹不待熟指先染
坐客相看爲解顏香粳飽送如填塹早歲嘗爲荆渚客
黃魚屢食沙頭店濱江易採不復珍盈尺輒棄無乃僭
自從西征復何有欲致南烹嗟久欠游儵瑣細空自腥
亂骨縱橫動遭砭故人遠餽何以報客俎久空驚忽瞻
莫道無辭信使頻西隣幸有庖虀醢

司竹監燒葦園因召都巡檢柴貽勗左藏以其
徒會獵園下

官園刈葦歲留槎深冬放火如紅霞枯槎燒盡有根在
春雨一洗皆萌芽黃狐老兔最狡捷賣侮百獸常矜誇
年年此厄竟不悟但愛蒙密爭來家風回燄卷毛尾熱
欲出已被蒼鷹遮野人來言此最樂徒手曉出歸滿車
巡邊將軍在近邑呼來颯颯從矛又戍兵久閒可小試
戰鼓雖凍猶堪搗雄心欲搏南澗虎陣勢頗學常山蛇
霜乾火烈聲爆野飛走無路號且呀迎人截來若逢箭
避犬逸去窮投且擊鮮走馬殊未厭但恐落日催栖鴉
弊旗仆鼓坐數獲鞍掛雉兔肩分麇主人置酒聚狂客
紛紛醉語晚更譁燎毛燔肉不暇割飲噉直欲追羲媧
青丘雲夢古所咤與此何啻百倍加苦遭諫疏說夷羿
獵獵霜風吹帽斜

御選宋詩

卷二十七

蘇軾

十七

又被賦客嘲淫奢豈如閒官走山邑放曠不與趨朝衙
農工已畢歲云暮車騎雖少賓殊佳酒酣上馬去不告
送安惇秀才失解西歸

舊書不厭百回讀熟讀深思子自知他年名宦恐不免
今日棲遲那可追我昔家居斷還往著書不復窺園葵
搗來東遊慕人爵棄去舊學從兒嬉狂謀謬算百不遂
惟有霜鬢來如期故山松柏皆手種行且拱矣歸何時
萬事早知皆有命十年浪走寧非癡與君未可較得失
臨別惟有長嗟咨

送劉放倅海陵

君不見阮嗣宗臧否不挂口休誇舌在牙齒牢是中惟
可飲醇酒讀書不用多作詩不須工海邊無事日日醉
夢魂不到蓬萊宮秋風昨夜入庭樹蓴絲未老君先去
君先去幾時回劉郎應白髮桃花開不開

送文與可出守陵州

壁上墨君不解語見之尚可消百憂而况我友似君者
清節凜凜欺霜秋清詩健筆何足數逍遙齊物追莊周
奪官遣去不自覺曉梳脫髮誰能收江邊亂山赤如赭
陵陽正在千山頭君知遠別懷抱惡時遣墨君解我愁

遊金山寺

我家江水初發源宦游直送江入海聞道潮頭一丈高
御選宋詩

卷七

蘇軾

六

天寒尚有沙痕在中冷南畔石盤陀古來出沒隨濤波
試登絕頂望鄉國江南江北青山多羈愁畏晚尋歸楫
山僧苦留看落日微風萬頃鞞文細斷霞半空魚尾赤
是時江月初生魄二更月落天深黑江心似有炬火明
飛焰照山棲鳥驚悵然歸臥心莫識非鬼非人竟何物
是夜所見如此江山如此不歸山江神見怪驚我頑我謝江神豈
得已有田不歸如江水

自金山放船至焦山

金山樓觀何耽耽撞鐘擊鼓聞淮南焦山何有有修竹
採薪汲水僧兩三雲霾浪打人迹絕時有沙戶祈春蠶
吳人謂水中可用者為沙我來金山更留宿而此不到心懷慙同游盡返

決獨往賦命窮薄輕江潭清晨無風浪自湧中流歌嘯
倚半酣老僧下山驚客至迎笑喜作巴人談焦山長老
中江人也自言
久客忘鄉井只有彌勒爲同龕困眠得就紙帳暖飽食
未厭山蔬甘山林饑臥古亦有無田不退寧非貪展禽
雖未三見黜叔夜自知七不堪行當投劾謝簪組爲我
佳處留茅菴

次韻子由柳湖感物

憶昔子美在東屯數間茅屋蒼山根嘲吟草木調蠻獠
欲與猿鳥爭啾喧子今憔悴衆所棄驅馬獨出無往還
惟有柳湖萬株柳清陰與子供朝昏何爲譏評不少借
生意凌挫難爲繇柳雖無言不解慍世俗乍見應慙然
御選宋詩

卷七

蘇軾

九

嬌姿共愛春濯濯豈問空腹修蛇蟠朝看濃翠傲炎赫
夜愛疎影搖清圓風翻雪陣春絮亂蠹響啄木秋聲堅
四時盛衰各有態搖落悽愴驚寒溫南山孤松積雪底
抱凍不死誰復賢

送蔡冠卿知饒州

吾觀蔡子與人遊掀脰笑語無不可平時儻蕩不驚俗
臨事迂濶乃過我橫前坑窅衆所畏布路金珠誰不裹
邇來變化驚何速昔號剛強今亦頗憐君獨守廷尉法
歲晚却理鄱陽柁莫嗟天驥逐羸牛欲試良玉須猛火
世事徐觀眞夢寐人生不信長坎軻知君決獄有陰功
他日老人酬魏顆

臘日遊孤山訪惠勤惠思二僧

天欲雪雲滿湖樓臺明滅山有無水清出石魚可數林
深無人鳥相呼臘日不歸對妻孥名尋道人實自娛道
人之居在何許寶雲山前路盤紆孤山孤絕誰肯廬道
人有道山不孤紙窗竹屋深自暖擁褐坐睡依圓蒲天
寒路遠愁僕夫整駕催歸及未晡出山迴望雲木合但
見野鶻盤浮圖茲遊淡薄歡有餘到家恍如夢蘧蘧作
詩火急追亡逋清景一失後難摹

遊靈隱寺得來詩復用前韻

君不見錢塘湖錢王壯觀今已無屋堆黃金斗量珠運
盡不勞折簡呼四方宦遊散其孥宮闕留與閒人娛盛
御選宋詩
卷七
蘇軾
二
哀哀樂兩須臾何用多憂心鬱紆谿山處處皆可廬最
愛靈隱飛來孤喬松百丈蒼髯鬚擾擾下笑柳與蒲高
堂會食羅千夫撞鐘擊鼓喧朝晡凝香方丈眠氍毹絕
勝絮被縫海圖清風徐來驚睡餘遂超羲皇傲几蘧歸
時棲鴉正畢逋孤煙落日不可摹

越州張中含壽樂堂

青山偃蹇如高人常時不肯入官府高人自與山有素
不待招邀滿庭戶臥龍蟠屈半東州萬室鱗鱗枕其股
背之不見與無同狐裘反衣無乃魯張君眼力窺天奧
能遣荆棘化堂宇持頤宴坐不出門收攬奇秀得十五
才多事少厭閒寂臥看雲煙變風雨筍如玉箸棋如簪

強飲且爲山作主不憂兒輩知此樂但恐造物怪多取
春濃睡足午窗明想見新茶如潑乳

遊徑山

衆峰來自天目山勢若駿馬奔平川中塗勒破千里足
金鞭玉鐙相回旋人言山住水亦住下有萬古蛟龍淵
道人天眼識王氣結茅宴坐荒山巔精誠貫山石爲裂
天女下試顏如蓮寒窗暖足來撲朔夜鉢呪水降蜿蜒
雪梅老人朝扣門願爲弟子長參禪爾來廢興三百載
奔走吳會輸金錢飛樓湧殿壓山破朝鐘暮鼓驚龍眠
晴空偶見浮海蜃落日下數投邨鳶有生共處覆載內
擾擾膏火同烹煎近來愈覺世議隘每到寬處差安便
御選宋詩

卷七

蘇軾

三

嗟余老矣百事廢却尋舊學心茫然問龍乞水歸洗眼
欲看細字銷殘年

試院煎茶

蠓眼已過魚眼生颼颼欲作松風鳴蒙茸出磨細珠落
眩轉繞甌飛雪輕銀瓶瀉湯誇第二未識古人煎水意
君不見昔時李生好客手自煎貴從活火發新泉又不
見今時潞公煎茶學西蜀定州花瓷琢紅玉我今貧病
常苦饑分無杯盃捧蛾眉且學公家作茗飲博爐石銚
行相隨不用撐腸拄腹文字五千卷但願一甌常及睡
足日高時

孫莘老求墨妙亭詩

蘭亭蠶紙入昭陵世間遺跡猶龍騰顏公變法出新意
細筋入骨如秋鷹徐家父子亦秀絕字外出力中藏稜
嶧山傳刻典刑在千載筆法留陽冰杜陵評書貴瘦硬
此論未公吾不憑短長肥瘠各有態玉環飛燕誰敢憎
吳興太守真好古購買斷缺揮縑繒龜趺入坐螭隱辟
空齋晝靜聞登登奇蹤散出走吳越勝事傳說誇友朋
書來乞詩要自寫爲把栗尾書溪藤後來視今猶視昔
過眼百世如風燈他年劉郎憶賀監還道同時須服膺
將之湖州戲贈莘老

餘杭自是山水窟側聞吳興更清絕湖中橘林新著霜
溪上茗花正浮雪顧渚茶芽白於齒梅溪木瓜紅勝頰

御選宋詩

卷七

蘇軾

三

吳兒膾縷薄欲飛未去先說饞涎垂亦知謝公到郡久
應怪杜牧尋春遲髣絲只好對禪榻湖亭不用張水嬉

遊道場山何山

道場山頂何山麓上徹雲峰下幽谷我從山水窟中來
尚愛此山看不足陂湖行盡白漫漫青山忽作龍蛇盤
山高無風松自響誤認石齒號驚湍山僧不放山泉出
屋底清池照瑤席階前合抱香入雲月裏仙人親手植
出山回望翠雲鬖碧瓦朱欄縹緲間白水田頭問行路
小溪深處是何山高人讀書夜達旦至今山鶴鳴夜半
我今廢學不歸山山中對酒空三歎

至秀州贈錢端公安道并寄其弟惠山老

鴛鴦湖邊月如水孤舟夜榜鴛鴦起
平明繫纜石橋亭
慚愧冒寒髯御史結交最晚情獨厚
論心無數今有幾
寂寞抱關歎蕭生者老執戟哀揚子
怪君顏采却秀發
無乃遷謫反便美
天公欲困無柰何
世人共抑真疏矣
毗陵高山錫無骨
陸子遺味泉冰齒
賢哉仲氏早拂衣
占斷此山長洗耳
山頭望湖光潑眼
山下濯足波生指
儻客逸少問金堂
記與嵇康留石髓

法惠寺橫翠閣

朝見吳山橫暮見吳山從
吳山故多態轉側爲君容
幽人起朱閣空洞更無物
惟有千步岡東西作簾額
春來故國歸無期人言秋悲
春更悲已泛平湖思濯錦更看
御選宋詩

卷三

蘇軾

五

橫翠憶峨眉雕欄能得幾時好
不獨憑欄人易老
百年興廢更堪哀
懸知草莽化池臺
遊人尋我舊遊處
但覓吳山橫處來

往富陽新城李節推先行三日留風水洞見待

春山礫礫鳴春禽
此間不可無我吟
路長漫漫傷江浦
此間不可無君語
金鯽池邊不見君
追君直過定山邨
路人皆言君未遠
騎馬少年清且婉
風巖水穴舊聞名
只隔山溪夜不行
溪橋曉溜浮梅萼
知君繫馬巖花落
出城三日尚逶遲
妻孥怪罵歸何時
世上小兒誇疾走
如君相待今安有

宿海會寺

籃輿三日山中行，山中信美少曠平。下投黃泉上青冥，
綫路每與猿狖爭。重棲束縛遭澗坑，兩股酸哀饑腸鳴。
北渡飛橋踏彭鏗，繚垣百步如古城。大鐘一撞千指迎，
高堂延客夜不扃。杉槽漆斛江湖傾，本來無垢洗更輕。
倒牀鼻息四鄰驚，統如五鼓天未明。木魚呼粥亮且清，
不聞人聲聞履聲。

和錢安道寄惠建茶

我官於南今幾時，嘗盡溪茶與山茗。胸中似記故人面，
口不能言心自省。爲君細說我未暇，試評其略差可聽。
建溪所產雖不同，一天與君子性森然。可愛不可慢，
骨清肉膩和且正。雪花雨脚何足道，啜過始知真味永。

御選宋詩

卷三

蘇軾

二四

縱復苦硬終可錄，汲黯少戇寬饒猛。草茶無賴空有名，
高者妖邪次頑曠。體輕雖復強浮汎，性滯偏工嘔酸冷。
其間絕品豈不佳，張禹縱賢非骨鯁。葵花玉萼不易致，
道路幽嶮隔雲嶺。誰知使者來自西，開緘磊落收百餅。
嗅香嚼味本非別，透紙自覺光炯炯。粃糠團鳳友小龍，
奴隸日注臣雙井。收藏愛惜待佳客，不敢包裹鑽權倖。
此詩有味君勿傳，空使時人怒生瘿。

大風留金山兩日

塔上一鈴獨自語，明日顛風當斷渡。朝來白浪打蒼崖，
倒射軒窗作飛雨。龍驤萬斛不敢過，漁艇一葉從掀舞。
細思城市有底忙，却笑蛟龍爲誰怒。無事久留僮僕怪，

此風聊得妻孥許，灑山道人獨何事。半夜不眠聽粥鼓，惜花。

錢塘吉祥寺花爲第一，壬子清明賞會最盛。金盤綵籃以獻於座者五十三人，夜歸沙河塘上觀者如山。爾後無復繼也。今年諸家園圃花亦極盛，而龍興僧房一叢亦奇，但衰病牢落，自無以發興耳。昨日雨雹如此，花之存者有幾，可爲歎息也。

吉祥寺中錦千堆，前年賞花真盛哉。道人勸我清明來，腰鼓百面如春雷。打徹涼州花自開，沙河塘上插花回。醉倒不覺吳兒咍，豈知如今雙鬢摧。城西古寺沒蒿萊，有僧閉門手自栽。千枝萬葉巧剪裁，就中一叢何所似。御選宋詩

卷三十一 蘇軾

三五

瑪瑙盤盛金縷杯，而我食菜方清齋。對花不飲花應猜，夜來雨雹如李梅。紅殘綠暗吁可哀。

大雪青州道上有懷東武園亭寄孔周翰

超然臺上雪城郭，山川兩奇絕。海風吹碎碧琉璃，時見三山白銀闕。蓋公堂前雪綠窗，朱戶相明滅。堂中美人雪爭妍，粲然一笑玉齒頰。就中山堂雪更奇，青松怪石亂瓊絲。惟有使君遊不歸，五更馬上愁斂眉。君不見淮西李侍中，夜入蔡州縛取吳元濟。又不見襄陽孟浩然，長安道上騎驢吟雪詩。何當閉門飲美酒，無人毀譽河東守。

書韓幹牧馬圖

二馬並驅攢八蹄二馬宛頸駿尾齊一馬任前雙舉後
一馬却避長鳴嘶老顧奚官騎且顧前身作馬通馬語
後有八匹飲且行微流赴吻若有聲前者既濟出林鶴
後者欲涉鶴俛啄最後一匹馬中龍不嘶不動尾搖風
韓生畫馬真是馬蘇子作詩如見畫世無伯樂亦無韓
此詩此畫誰當看

答呂梁仲屯田

亂山合沓圍彭門官居獨在懸水邨居民蕭條雜麋鹿
小市冷落無雞豚黃河西來初不覺但訝清泗流奔渾
夜聞沙岸鳴甕盞盞盪看雪浪浮鵬鷗呂梁自古喉吻地
萬頃一抹何由吞坐觀入市卷閭井吏民走盡餘王尊

御選宋詩

卷三七

蘇軾

三

計窮路盡欲安適吟詩破屋愁躑躅歲寒霜重水歸壑
但見屋瓦留沙痕入城相對如夢寐我亦僅免爲魚鼈
旋呼歌舞雜談笑不惜飲釀空瓶盆念君官舍冰雪冷
新詩美酒聊相溫人生如寄何不樂任使絳蠟燒黃昏
宣房未築淮泗滿故道堙沒瘡痍存明年勞苦應更甚
我當畚鍤先黥髡付君萬指伐頑石千鎚雷動蒼山根
高城如鐵洪口快談笑却掃看崩奔農夫掉臂免狼顧
秋穀布野如雲屯還須更置軟脚酒爲君擊鼓行金樽

御選宋詩卷第二十八目錄

七言古詩四

蘇軾五十九首

御選宋詩

卷三

目錄

一

御選宋詩卷第二十八

七言古詩四

蘇軾

春菜

蔓菁宿根已生葉
韭牙戴土拳如蕨
爛蒸香薺白魚肥
碎點青蒿涼餅滑
宿酒初消春睡起
細履幽畦掇芳辣
茵陳甘菊不負渠
鱸縷堆盤纖手抹
北方苦寒今未已
雪底波稜如鐵甲
豈如吾蜀富冬蔬
霜葉露芽寒更茁
久拋松葛猶細事
苦筍江豚那忍說
明年投劾徑須歸
莫待齒搖并髮脫

送孔郎中赴陝郊

御選宋詩

卷三

蘇軾

驚風擊面黃沙走
西出嶠函脫塵垢
使君來自古徐州
聲震河潼殷關右
十里長亭聞鼓角
一川秀色明花柳
北臨飛檻卷黃流
南望青山如峴首
東風吹開錦繡谷
淥水翻動蒲萄酒
訟庭生草數開尊
過客如雲牢閉口
與梁左藏會飲傅國博家

將軍破賊自草檄
論詩說劍俱第一
彭城老守本虛名
識字劣能欺項籍
風流別駕貴公子
欲把笙歌暖鋒鏑
紅旆朝開猛士譟
翠帷暮捲佳人出
東堂醉臥呼不起
啼鳥落花春寂寂
試教長笛傍耳根
一聲吹裂堦前石

次韻答劉涇

吟詩莫作秋蟲聲
天公怪汝鈎物情
使汝未老華髮生

芝蘭得雨蔚青青何由自燔以出馨細書千紙雜真行
新音百變口如鷲異義蠶起弟子爭舌翻濤瀾卷齊城
萬卷堆胸兀相撐以病爲樂子未經我有至味非煎烹
是中之樂吁難名綠槐如山閣廣庭飛蟲繞耳細而清
敗席輾轉臥見驚亦不自嫌翠織成意行信足無溝坑
不識五郎呼作卿吏民哀我老不明相戒無復煩鞭刑
時臨泗水照星星微風不起鏡面平安得一舟如葉輕
臥聞郵籤報水程蓴羹羊酪不須評一飽且救饑腸鳴
次韻答舒教授觀余所藏墨

異時長笑王會稽野鷺臙腥汚刀几暮年却得庾安西
自厭家雞題六紙二子風流冠當代顧與兒童爭慍喜

御選宋詩

卷三

蘇軾

二

秦王十八已龍飛嗜好晚將蛇蚓比我生百事不挂眼
時人謬說云工此世間有癖念誰無傾身障簾尤堪鄙
一生當著幾兩屐定心肯爲微物起此墨足支三十年
但恐風霜侵髮齒非人磨墨墨磨人併應未罄壘先耻
逝將振衣歸故國數畝荒園自鉏理作書寄君君莫笑
但覓來禽與青李一螺點漆便有餘萬竈燒松何處使
君不見永寧第中擣龍麝列屋閑居清且美倒暈連睂
秀嶺浮雙雅畫鬕香雲委時聞五斛賜蛾綠不惜千金
求獺髓聞君此詩當大笑寒窗冷硯水生水

芙蓉城

并引

世傳王迥子高與仙人周瑤英遊芙蓉城元豐元

年三月余始識子高問之信然乃作此詩極其情
而歸之正亦變風止乎禮義之意也

芙蓉城中花冥冥誰其主者石與丁珠簾玉按翡翠屏
雲舒霞卷千俦停中有一人長眉青炯如微雲澹疎星
往來三世空鍊形竟坐誤讀黃庭經天門夜開飛爽靈
無復白日乘雲輶俗緣千劫磨不盡翠被冷落淒餘馨
因過緱山朝帝廷夜聞笙簫弭節聽飄然而來誰使令
皎如明月入窗櫺忽然而去不可執寒衾虛幌風泠泠
仙宮洞房本不高夢中同躡鳳凰翎徑度萬里如奔霆
玉樓浮空聳亭亭天書雲篆誰所銘遠樓飛步高矜嶸
仙風鏘然韻流鈴蘧蘧形開如醉醒芳卿寄謝空丁寧
御選宋詩

卷三

蘇軾

三

一朝覆水不返餅羅巾別淚空熒熒春風花開秋葉零
世間羅綺紛臃臃此身流浪隨滄溟偶然相值兩浮萍
願君收視觀三庭勿與嘉穀生蝗螟從渠一念三千齡
不作人間尹與邢

九日黃樓作

去年重陽不可說南城夜半千漚發水穿城下作雷鳴
泥滿城頭飛雨滑黃花白酒無人問日暮歸來洗鞞韞
豈知還復有今年把盞對花容一呷莫嫌酒薄紅粉陋
終勝泥中千柄鍤黃樓新成壁未乾青荷已落霜初殺
朝來白露細如雨南山不見千尋剝樓前便作海茫茫
樓下空聞櫓鴨軋薄寒中人老可畏熱酒澆腸氣先壓

煙消日出見漁邨遠水鱗鱗山鬱鬱詩人猛士雜龍虎
楚舞吳歌亂鵝鴨一杯相屬君勿辭此境何殊泛清霄
次韻僧潛見贈

道人胸中水鏡清萬象起滅無逃形獨依古寺種秋菊
要伴騷人餐落英人間底處有南北紛紛鴻鴈何曾冥
閉門坐穴一禪榻頭上歲月空崢嶸今年偶出爲求法
欲與慧劍加礪礪雲衲新磨山水出霜髭不剪兒童驚
公侯欲識不可得故知倚市無傾城秋風吹夢過淮水
想見橘柚垂空庭故人各在天一角相望落落如晨星
彭城老守何足顧棗林桑野相邀迎千山不憚荒店遠
兩脚欲趁飛猿輕多生綺語磨不盡尚有宛轉詩人情
御選宋詩

卷天

蘇軾

四

猿吟鶴唳本無意不知下有行人行空堦夜雨自清絕
誰使掩抑啼孤惻我欲仙山掇瑤草傾筐坐歎何時盈
簿書鞭撲晝填委煑茗燒栗宜宵征乞取摩尼照濁水
共看落月金盆傾

定惠院寓居月夜偶出

幽人無事不出門偶逐東風轉良夜參差玉宇飛木末
繚繞香煙來月下江雲有態清自媚竹露無聲浩如瀉
已驚弱柳萬絲垂尚有殘梅一枝亞清詩獨吟還自和
白酒已盡誰能借不辭青春忽忽過但恐歡意年年謝
自知醉耳愛松風會揀霜林結茅舍浮浮大甑長炊玉
溜溜小槽如壓蔗飲中真味老更濃醉裏狂言醒可怕

但當謝客對妻子倒冠落珮從嘲罵

次韻前篇

去年花落在徐州對月酣歌美清夜今年黃州見花發
小院閉門風露下萬事如花不可期餘年似酒那禁瀉
憶昔扁舟泝巴峽落帆樊口高桅亞長江滾滾空自流
白髮紛紛寧少借竟無五畝繼沮溺空有千篇凌鮑謝
至今歸計負雲山未免孤衾眠客舍少年辛苦真食蓼
老境清閑如啖蔗饑寒未至且安居憂患已空猶夢怕
穿花踏月飲邨酒免使醉歸官長罵

安國寺尋春

臥聞百舌呼春風起尋花柳邨邨同城南古寺修竹合

御選宋詩

卷三

蘇軾

五

小房曲檻欹深紅看花歎老憶年少對酒思家愁老翁
病眼不羞雲母亂髣絲強理茶煙中遙知二月王城外
玉仙洪福花如海薄羅勻霧蓋新妝快馬爭風鳴雜珮
玉川先生真可憐一生耽酒終無錢病過春風九十日
獨抱添丁看花發

寓居定惠院之東雜花滿山有海棠一株土人

不知貴也

江城地瘴蕃草木只有名花苦幽獨嫣然一笑竹籬間
桃李漫山總麤俗也知造物有深意故遣佳人在空谷
自然富貴出天姿不待金盤薦華屋朱唇得酒暈生臉
翠袖卷紗紅映肉林深霧暗曉光遲日暖風輕春睡足

雨中有淚亦悽愴月下無人更清淑先生食飽無一事
散步逍遙自捫腹不問人家與僧舍拄杖敲門看修竹
忽逢絕豔照衰朽歎息無言揩病目陋邦何處得此花
無乃好事移西蜀寸根千里不易到銜子飛來定鴻鵠
天涯流落俱可念爲飲一尊歌此曲明朝醉醒還獨來
雪落紛紛那忍觸

過江夜行武昌山上聞黃州鼓角

清風弄水月銜山幽人夜渡吳王峴黃州鼓角亦多情
送我南來不辭遠江南又聞出塞曲半雜江聲作悲健
誰言萬方聲一概鼉憤龍愁爲余變我記江邊枯柳樹
未死相逢真識面他年一葉沂江來還吹此曲相迎餞

御選宋詩

卷三

蘇軾

六

自興國往筠宿石田驛南二十五里野人舍

溪上青山三百疊快馬輕衫來一抹倚山修竹有人家
橫道清泉知我渴芒屨竹杖自輕軟蒲薦松牀亦香滑
夜深風露滿中庭惟有孤螢自開闔

蔡景繁官舍小閣

使君不獨東南美典刑尚記先君子戲嘲王叟短轅車
肯爲徐郎書紙尾三年弭節江湖上千首放懷風月裏
手開東閣坐虛明目淨東谿照清泚素琴濁酒容一榻
落霞孤鶩供千里大舫何時繫門柳小詩屢欲書窗紙
文昌新構滿鸚鵡都邑正喧收杞梓相逢一醉豈有命
南來寂寞君歸矣

次韻王定國南遷回見寄

土暈銅花蝕秋水要須悍石相礮砥十年冰蘖戰膏梁
萬里煙波濯紈綺歸來詩思轉清激百丈空潭數魴鯉
逝將桂浦擷蘭蓀不記槐堂收劒履却思庾嶺今何在
更說彭城真夢耳君知先竭是甘泉我願得全如苦李
妄心不復九迴腸至道終當三洗髓廣陵羨羨何足較
只有無何真吾里樂全老子今禪伯掣電機鋒不容擬
心通豈復問云何印可聊須答如是相逢爲我話留滯
桃花春漲孤舟起

寄蘄簞與蒲傳正

蘭谿美箭不成笛離離玉筋排霜脊千溝萬縷自生風

御選宋詩

卷三

蘇軾

七

入手未開先慘慄公家列屋閑蛾眉珠簾不動花陰移
霧帳銀牀初破睡牙籤玉局坐彈棋東坡病叟長羈旅
凍臥饑吟似饑鼠倚賴春風洗破衾一夜雪寒披故絮
火冷燈青誰復知孤舟兒女自嗷嗷皇天何時反炎燠
愧此八尺黃琉璃願君淨掃清香閣臥聽風漪聲滿榻
習習還從兩腋生請公乘此朝閭闔

觀杭州鈐轄歐育刀劒戰袍

青綾衲衫暖襯甲紅線勒帛光遶脅禿襟小袖鵬鵠盤
大刀長劒龍蛇柙兩軍鼓譟屋瓦墜紅塵白羽紛相雜
將軍恩重此身輕笑履鋒鏑如一插書生只肯坐帷幄
談笑毫端弄生殺叫呼擊鼓催上竿猛士應憐小兒黠

試問黃河夜偷渡掠面驚沙寒霎霎何如大艦日高眠
一枕清風過苔雲

寄吳德仁兼簡陳季常

東坡先生無一錢十年家火燒凡鉛黃金可成河可塞
只有霜鬢無由元龍丘居士亦可憐談空說有夜不眠
忽聞河東獅子吼拄杖落手心茫然誰似濮陽公子賢
飲酒食肉自得仙平生寓物不留物在家學得忘家禪
門前穉穉十頃田清溪遶屋花連天溪堂醉臥呼不醒
落花如雪春風顛我遊蘭谿訪清泉已辦布襪青行纏
稽山不是無賀老我自興盡回酒船恨君不識顏平原
恨我不識元魯山銅駝陌上會相見握手一笑三千年
御選宋詩

卷三

蘇軾

八

送楊傑

并序

無爲子嘗奉使登太山絕頂雞一鳴見日出又嘗
以事過華山重九日飲酒蓮華峰上今乃奉詔與
高麗僧統游錢塘皆以王事而從方外之樂善哉
未曾有也作是詩以送之

天門夜上賓出日萬里紅波半天赤歸來平地看跳丸
一點黃金鑄秋橘太華峰頭作重九天風吹灑黃花酒
浩歌馳下腰帶鞶醉舞奔崖一揮手神游八極萬緣虛
下視蚊雷隱污渠大千一息八十返笑厲東海騎鯨魚
三韓王子西求法鑿齒彌天兩勅敵過江風急浪如山
寄語舟人好看客

再過超然臺贈太守霍翔

昔飲雩泉別常山天寒歲在龍蛇間山中兒童拍手笑
問我西去何當還十年不赴竹馬約扁舟獨與漁蓑閑
重來父老喜我在扶挈老幼相遮攀當時襁褓皆七尺
而我安得留朱顏問今太守爲誰歟護羗克國鬣未斑
躬持牛酒勞行役無復杞菊嘲寒慳超然置酒尋舊迹
尚有詩賦鑱堅頑孤雲落日在馬耳照耀金碧開煙鬟
卻淇自古北流水跳波下瀨鳴玦環願公談笑作石埭
坐使城郭生溪灣

海市 并引

予聞登州海市舊矣父老云常出於春夏今歲晚

御選宋詩

卷天 蘇軾

九

不復見矣予到官五日而去以不見爲恨禱於海
神廣德王之廟明日見焉乃作此詩

東方雲海空復空羣仙出沒空明中蕩搖浮世生萬象
豈有貝闕藏珠宮心知所見皆幻影敢以耳目煩神工
歲寒水冷天地閉爲我起螭鞭魚龍重樓翠阜出霜曉
異事驚倒百歲翁人間所得容力取世外無物誰爲雄
率然有請不我拒信我人厄非天窮潮陽太守南遷歸
喜見石廩堆祝融自言正直動山鬼豈知造物哀龍鍾
信着一笑豈易得神之報汝亦已豐斜陽萬里孤鳥沒
但見碧海磨青銅新詩綺語亦安用相與變滅隨東風
送戴蒙赴成都玉局觀將老焉

拾遺被酒行歌處野梅官柳西郊路聞道華陽版籍中
至今尚有城南杜我欲歸尋萬里橋水花風葉暮瀟瀟
芋魁徑尺誰能盡榿木三年已足燒百歲風狂定何有
羨君今作峨眉叟縱未家生執戟郎也應世出埋輪守
莫欺老病未歸身玉局他年第幾人會待子猷清興發
還須雪夜去尋君

送陳睦知潭州

華清縹眇浮高棟上有纈林藏石甕一杯此地初識君
千巖夜上同飛鞚君時年少面如玉一飲百觚嫌未痛
白鹿泉頭山月出寒光潑眼如流汞朝元閣上酒醒時
臥聽風鸞驚鐵鳳舊遊空在人何處二十三年真一夢
御選宋詩

卷二

蘇軾

十

我得生還雪鬢滿君亦老嫌金帶重有如社燕與秋鴻
相逢未穩還相送洞庭青草渺無際天柱紫蓋森欲動
湖南萬古一長嗟付與騷人發嘲弄

送表弟程六知楚州

炯炯明珠照雙璧當年三老蘇程石里人下道避鳩杖
刺史迎門倒鳧舄我時與子皆兒童狂走從人覓黎粟
健如黃犢不可恃隙過白駒那暇惜醴泉寺古垂橘柚
石頭山高暗松櫟諸孫相逢萬里外一笑未解千憂集
子方得郡古山陽老手生風謝刀筆我正含毫紫微閣
病眼昏花困書檄莫教印綬繫餘年去掃墳墓當有日
功成頭白早歸來共藉梨花作寒食

武昌西山 并引

嘉祐中翰林學士承旨鄧公聖求爲武昌令常游
寒溪西山山中人至今能言之軾謫居黃岡與武
昌相望亦常往來谿山間元祐元年十一月二十
九日考試館職與聖求會宿玉堂偶話舊事聖求
嘗作元次山窪樽銘刻之巖石因爲此詩請聖求
同賦當以遺邑人使刻之銘側

春江淥漲蒲萄醅武昌官柳知誰栽憶從樊口載春酒
步上西山尋野梅西山一上十五里風駕兩腋飛崔嵬
同游困臥九曲嶺褰衣獨到吳王臺中原北望在何許
但見落日低黃埃歸來解劒亭前路蒼崖半入雲濤堆
御選宋詩 蘇軾 卷天 十一
浪翁醉處今尚在石臼杯飲無樽罍爾來古意誰復嗣
公有妙語留山隈至今好事除草棘常恐野火燒蒼苔
當時相望不可見玉堂正對金鑾開豈知白首同夜直
臥看椽燭高花摧江邊曉夢忽驚斷銅鑲玉鎖鳴春雷
山人帳空猿鶴怨江湖水生鴻鴈來請公作詩寄父老
往和萬壑松風哀

再用前韻

朱顏發過如春醕胸中黎棗初未栽丹砂未易掃白髮
赤松却欲參黃梅寒溪本自遠公社白蓮翠竹依崔嵬
當時石泉照金像神光夜發如五臺飲泉鑒面得真意
坐視萬物皆浮埃欲收暮景返田里遠沂江水窮離堆

還朝豈獨羞老病自歎才盡傾空壘諸公渠渠若夏屋
吞吐風月清隅隈我如廢井久不食古甃缺落生陰苔
數詩往復相感發汲新除舊寒光開遙知二月春江濶
雪浪倒卷雲峰摧石中無聲水亦靜云何解轉空山雷
韋應物詩云水性本云靜石中固無聲如何兩相激雷轉空山驚 欲就諸公評此語要識憂喜何
從來願求南宗一勺水往與屈賈湔餘哀

趙令宴崔白大圖幅徑三丈

扶桑大壘如甕盎天女織綃雲漢上往來不遣鳳銜梭
誰能鼓臂投三丈人間刀尺不敢裁丹青付與濠梁崔
風蒲半折寒雁起竹間的礫寒江梅畫堂粉壁翻雲幕
十里江天無處著好臥元龍百尺樓笑看江水拍天流

御選宋詩

卷天

蘇軾

十一

郭熙畫秋山平遠

文潞公為跋尾

玉堂晝掩春日閑中有郭熙畫春山鳴鳩乳燕初睡起
白波青嶂非人間離離短幅開平遠漠漠疎林寄秋晚
却似江南送客時中流回頭望雲巘伊川佚老髡如霜
臥看秋山思洛陽爲君紙尾作行草炯如嵩洛浮秋光
我從公遊如一日不覺青山映黃髮爲畫龍門八節灘
待向伊川買泉石

贈李道士

并序

駕部員外郎李宗君固景祐中良吏也守漢州有
道士尹可元精練善畫以遺火得罪當死君緩其
獄會赦獲免時可元八十一自誓且死必爲李氏

子以報可元旣死二十餘年而君子世昌之婦夢
可元入其室生子曰得柔小名蜀孫幼而善畫旣
長讀莊老喜之遂爲道士賜號妙應事母以孝謹
聞其寫眞蓋妙絕一時云

世人只數曹將軍誰知虎頭非癡人腰間大羽何足道
頰上三毛自有神平生狎侮諸公子戲著幼輿巖石裏
故教世世作黃冠布襪青鞋弄雲水千年鼻祖守關門
一念還爲李耳孫香火舊緣何日盡丹青餘習至今存
五十之年初過二衰顏記我今如此他時要指集賢人
知是香山老居士

余與李薦方叔相知久矣領貢舉事而李不得

御選宋詩

卷五

蘇軾

十三

第愧甚作詩送之

與君相從非一日筆勢翩翩疑可識平生謾說古戰場
過眼終迷日五色我慙不出君大笑行止皆天子何責
青袍白紵五千人知子無怨亦無德買羊沽酒謝玉川
爲我醉倒春風前歸家但草凌雲賦我相夫子非臞仙
慶源宣義王文以累舉得官爲洪雅主簿雅州
戶掾遇吏民如家人安樂之旣謝事居耆之
青神瑞草橋放懷自得有書來求紅帶旣以遺
之且作詩爲戲請黃魯直秦少游各爲賦一首

爲老人光華

青衫半作霜葉枯遇民如兒吏如奴吏民莫作官長看

我是識字耕田夫妻啼兒號刺史怒時有野人來挽須
拂衣自注下下考芋魁飯豆吾豈無歸來瑞草橋邊路
獨游還佩平生壺慈姥巖前自喚渡青衣江畔人爭扶
今年蠶市數州集中有遺民懷袴襦邑中之黔相指似
白髯紅帶老不癯我欲西歸卜鄰舍隔牆拊掌容歌呼
不學山王乘駟馬回頭空指黃公壚

書王定國所藏煙江疊嶂圖

江上愁心千疊山浮空積翠如雲煙山邪雲邪遠莫知
煙空雲散山依然但見兩崖蒼蒼暗絕谷中有百道飛
來泉縈林絡石隱復見下赴谷口爲奔川川平山開林
麓斷小橋野店依山前行人稍度喬木外漁舟一葉江
御選宋詩

卷三

蘇軾

十四

吞天使君何從得此本點綴毫末分清妍不知人間何
處有此境徑欲往買二頃田君不見武昌樊口幽絕處
東坡先生留五年春風搖江天漠漠暮雲卷雨山娟娟
丹楓翻鴉伴水宿長松落雪驚醉眠桃花流水在人世
武陵豈必皆神仙江山清空我塵土雖有去路尋無緣
還君此畫三歎息山中故人應有招我歸來篇

東川清絲寄魯冀州戲贈

鵝溪清絲清如冰上有千歲交枝藤藤生谷底飽風雪
歲晚忽作龍蛇升嗟我雖爲老侍從骨寒只受布與繒
牀頭錦衾未還客坐覺芒刺在背膺豈如髯卿晚乃貴
福祿正似川方增醉中倒著紫綺裘下有半臂出縹綾

封題不敢妄裁剪，刀尺自有佳人能。遙知千騎出清曉，積雪未放浮塵興。白須紅帶柳絲下，老弱空巷人相登。但放奇紋出領袖，吾髯雖老無人憎。

寄蔡子華

故人送我東來時，手栽荔子待我歸。荔子已丹吾髮白，猶作江南未歸客。江南春盡水如天，腸斷西湖春水船。想見青衣江畔路，白魚紫笋不論錢。霜髯三老如霜檜，舊交零落今誰輩。莫從唐舉問封侯，但遣麻姑更爬背。

送江公著知吉州

三吳行盡千山，水猶道桐廬更清美。豈惟濁世隱狂奴，時平亦出佳公子。初冠惠文讀城旦，晚入奉常陪劍履。御選宋詩卷三蘇軾五方將華省起彈冠，忽憶釣臺歸洗耳。未應良木棄大匠，要使名駒試千里。奉親官舍當有擇，得郡江南差可喜。白粲連檣一萬艘，紅妝執樂三千指。簿書期會得餘閒，亦念人生行樂耳。

次韻曹子方運判雪中同遊西湖

詞源濼濼波頭展，清唱一聲巖谷滿。未容雪積句先高，豈獨湖開心自遠。雲山已作歌眉淺，山下碧流清似眼。尊前侑酒只新詩，何異書魚餐蠹簡。

西湖秋涸東池魚，窘甚因會客呼網師。遷之西池爲一笑之樂，夜歸被酒不能寐，戲作放魚一首。

東池浮萍半黏塊裂碧跳青出魚背西池秋水尚涵空
舞濶搖深吹荇帶吾僚有意爲遷居老守縱饒那忍膾
縱橫爭看銀刀出澆灑初驚玉花碎但愁數罟損鱗鬣
未信長堤隔濤瀨濺濺發發須臾間圍圍洋洋尋丈外
安知中無蛟龍種尚恐或有風雲會明年春水漲西湖
好去相忘渺淮海

復次放魚韻答趙承議陳教授

擾擾萬生同一塊捨榆不羨培風背青丘已吞雲夢芥
黃河復繚天門帶長譏韓子隘且陋一飽鯨魚何足膾
東坡也是可憐人披抉泥沙收細碎逝將歸休入節灘
又欲往釣七里瀨正似此魚逃網中未與造物遊數外
御選宋詩

卷二

蘇軾

六

且將新句調二子湖上秋高風月會爲君更喚木腸兒
脚扣兩舷歌小海

聚星堂雪

并引

元祐六年十一月一日禱雨張龍公得小雪與客
會飲聚星堂忽憶歐陽文忠公作守時雪中約客
賦詩禁體物語於艱難中特出奇麗爾來四十餘
年莫有繼者僕以老門生繼公後雖不足追配先
生而賓客之美殆不減當時公之二子又適在郡
故輒舉前令各賦一篇

窗前暗響鳴枯葉龍公試手行初雪映空先集疑有無
作態斜飛正愁絕衆賓起舞風竹亂老守先醉霜松折

恨無翠袖點橫斜，祇有微燈照明滅。歸來尚喜更鼓永，晨起不待鈴索掣。未嫌長夜作衣稜，却怕初陽生眼纈。欲浮大白追餘賞，幸有回飈驚落屑。糝糊檜頂獨多時，歷亂瓦溝裁一瞥。汝南先賢有故事，醉翁詩話誰續說。當時號令君聽取，白戰不許持寸鐵。

用前韻作雪詩留景文

萬松嶺上黃千葉，載酒年年踏松雪。劉郎去後誰復來，花下有人心斷絕。東齋夜坐搜雪句，兩手龜拆霜須折。無情豈亦畏嘲弄，穿簾入戶吹燈滅。紛紛兒女爭，所似碧海長鯨君。未掣朝來雲漢接，天流顧我小詩如點纈。歐陽趙陳在戶外，急掃中庭鋪木屑。交遊雖似雪栢堅，御選宋詩

卷六

蘇軾

七

送李公恕赴闕

君才有如切玉刀，見之凜凜寒生毛。願隨壯士斬蛟蜃，不願腰間纏錦絛。用違其才志不展，坐與胥吏同疲勞。忽然眷上有黃氣，吾君漸次收英髦。立談左右俱動色，一語徑破千言牢。我頃分符在東武，脫略萬事惟嬉遨。盡壞屏幃通內外，仍呼騎曹爲馬曹。君爲使者見不問，反更對飲持雙螯。酒酣箕坐語驚衆，雜以嘲諷窮詩騷。世上小兒多忌諱，獨能容我真賢豪。爲我買田臨汝水，逝將歸去誅蓬蒿。安能終老塵土下，俯仰隨人如桔槔。

蠟梅一首贈趙景貺

天工點酥作梅花此有蠟梅禪老家蜜蜂採花作黃蠟
取蠟爲花亦其物天工變化誰得知我亦兒嬉作小詩
君不見萬松嶺上黃千葉玉蘂檀心兩奇絕醉中不覺
渡千山夜聞梅香失醉眠歸來却夢尋花去夢裏花仙
覓奇句此間風物屬詩人我老不飲當付君君行適吳
我適越笑指西湖作衣鉢

次韻王滁州見寄

斯人何似似春雨歌舞農夫怨行路君看永叔與元之
坎軻一生遭口語兩老當年鬚未絲玉堂揮翰手如飛
教得滁人解吟咏至今里巷嘲輕肥君家聯翩盡御相
御選宋詩

卷三

蘇軾

六

獨來坐嘯谿山上笑捐浮利一雞肋多取清名幾熊掌
丈夫自重貴難售兩翁今與青山久後來太守更風流
要伴前人作詩瘦我倦承明苦求出到處遺蹤尋六一
憑君試與問瑯琊許我來遊莫難色

在潁州與趙德麟同治西湖未成改揚州三月十六日湖成德麟有詩見懷次其韻

太山秋毫兩無窮巨細本出相形中大千起滅一塵裏
未覺杭潁誰雌雄我在錢塘拓湖渌大隄士女爭昌丰
六橋橫絕天漢上北山始與南屏通忽驚二十五萬丈
老葑席捲蒼雲空竭來潁尾弄秋色一水縈帶昭靈宮
坐思吳越不可到借君月斧修腫龐二十四橋亦何有

換此十頃玻璃風雷塘水乾禾黍滿寶釵耕出餘鸞龍
明年詩客來弔古伴我霜夜號秋蟲

德麟見約來揚寄
居亦有意求揚倅

召還至都門先寄子由

老身倦馬河堤永踏盡黃榆綠槐影荒雞號月未三更
客夢還家時一頃歸老江湖無歲月未填溝壑猶朝請
黃門殿中春事罷詔許來迎先出省已飛青蓋在河梁
定餉黃封兼賜茗遠來無物可相贈一味豐年說淮穎
書晁說之考牧圖後

我昔在田間但知羊與牛川平牛背穩如駕百斛舟舟
行無人岸自移我臥讀書牛不知前有百尾羊聽我鞭
聲如鼓輦我鞭不妄發視其後者而鞭之澤中草木長
御選宋詩

卷八

蘇軾

一九

草長病牛羊尋山跨坑谷騰趨筋骨強煙蓑雨笠長林
下老去而今空見畫世間馬耳射東風悔不長作多牛
翁

送曾仲錫通判如京師

邊城歲暮多風雪強壓春醪與君別玉帳夜談霜月苦
鐵騎曉出水河裂斷蓬飛葉卷黃沙祇有千林鬢鬢花
應爲王孫朝上國珠幢玉節與排衙左援公孝右孟博
我居其間嘯且諾僕夫爲我催歸來要與北海春水爭
先回

寓居合江樓

海上蔥曠氣佳哉二江合處朱樓開蓬萊方丈應不遠

肯爲蘇子浮江來江風初涼睡正美樓上啼鴉呼我起
我今身世兩相違西流白日東流水樓中老人日清新
天上豈有癡仙人三山咫尺不歸去一杯付與羅浮春
十一月二十六日松風亭下梅花盛開

春風嶺上淮南邨昔年梅花曾斷魂豈知流落復相見
蠻風蜚雨愁黃昏長條半落荔枝浦臥樹獨秀枕榔園
豈惟幽光留夜色直恐冷豔排冬溫松風亭下荆棘裏
兩株玉蕊明朝暎海南仙雲嬌隨砌月下縞衣來叩門
酒醒夢覺起繞樹妙意有在終無言先生獨飲勿歎息
幸有落月窺清尊

再用前韻

御選宋詩

卷三 蘇軾

三

羅浮山下梅花邨玉雪爲骨冰爲魂紛紛初疑月挂樹
耿耿獨與參橫昏先生索居江海上悄如病鶴栖荒園
天香國豔肯相顧知我酒熟詩清溫蓬萊宮中花鳥使
綠衣倒挂扶桑暎抱叢窺我方醉臥故遣啄木先敲門
麻姑過君急掃灑烏能歌舞花能言酒醒人散山寂寂
唯有落藥粘空尊

追餞正輔表兄至博羅賦詩爲別

孤臣南游隨黃菅君亦何事來牧蠻艤舟蜚戶龍岡窟
置酒椰葉枕榔間高談已笑衰語陋傑句尤覺清詩孱
博羅小縣僧舍古我不忍去君忘還君應回望秦與楚
夢涉漢水愁秦關我亦坐念高安客神遊黃蘗參洞山

何時曠蕩洗瑕謫與君歸駕相追攀
黎花寒食隔江路
兩山遙對雙煙鬢歸耕不用一錢物
惟要兩脚飛屐顏
玉牀丹鏃記分我助我金鼎光爛斑

再用前韻

樂天雙髻如霜管始知謝遣素與蠻我兄
綠髮蔚如故
已了夢幻齊人間蛾眉勸酒聊爾耳
處仲太忍茂弘孱
三杯徑醉便歸臥海上知復幾往還
連娟六么趁蹋鞠
杳眇三疊縈陽關酒醒夢斷何所有
落花流水空青山
忽驚鏡鼓發半夜明月不許幽人攀
贈行無物惟一語
莫遣瘴霧侵雲鬢羅浮道人一傾蓋
欲繫白日留君顏
應知我是香案吏他年許綴蓬萊班

御選宋詩

卷三

蘇軾

三

四月十一日初食荔支

南邨諸楊北邨盧

謂楊梅盧橘也

白華青葉冬不枯垂黃綴紫煙

雨裏特與荔支爲先驅
海山仙人絳羅襦紅紗中單白

玉膚不須更待妃子笑
風骨自是傾城姝不知天公有

意無遣此尤物生海隅
雲山得伴松檜老霜雪自困植

黎羸先生洗盞酌桂醕
冰盤薦此蘋虬珠似聞江鱔斫

玉柱更洗河豚烹腹腴

予嘗謂荔支厚味高格兩絕果中無比惟江鱔柱河豚魚近之耳

我生涉世

本爲口一官久已輕
蓴鱸人間何者非夢幻
南來萬里

眞良圖

同正輔表兄游白水山

偉哉造物眞豪縱攫土搏沙爲此弄
擘開翠峽走雲雷

截破奔流作潭洞因隨化人履巨迹得與仙兄躡飛鞚
曳杖不知巖谷深穿雲但覺衣裘重坐看驚鳥救霜葉
知有老蛟蟠石甕金沙玉礫粲可數古鏡寶奩寒不動
念兄獨立與世疎絕境難到惟我共永辭角上兩蠻觸
一洗胸中九雲夢浮來山高回望失武陵路絕無人送
筠籃擷翠爪甲香素縵分碧銀瓶凍歸路霏霏湯谷暗
野堂活活神泉湧解衣浴此無垢人身輕可試雲間鳳
次韻正輔同遊白水山

祇知楚越爲天涯不知肝膽非一家此身如綫自縈繞
左旋右轉隨纜車誤拋山林入朝市平地咫尺千褒斜
欲從稚川隱羅浮先與靈運開永嘉首參虞舜欵韶石

御選宋詩

卷天

蘇軾

三

次謁六祖登南華仙山一見五色羽雪樹兩摘南枝花
赤魚白蟹箸屢下黃柑綠橘邊常加糖霜不待蜀客寄
荔枝莫信閩人誇恣傾白蜜收五稜細刷黃土栽三桮
朱明洞裏得靈草翩然放杖凌蒼霞豈無軒車駕熟鹿
亦有鼓吹號寒龜仙人勸酒不用勺石上自有樽罍窪
徑從此路朝玉闕千里莫遣毫釐差故人日夜望我歸
相迎直到長風沙豈知乘查天女側獨倚雲機看織紗
世間誰似老兄弟篤愛不復相疵瑕相攜行到水窮處
庶幾一見留子嗟千年枸杞嘗夜吠無數草棘工藏遮
但令凡心一洗濯神人仙藥不我遐山中歸來萬想滅
豈復回顧雙飛雅

張競辰永康所居萬卷堂

君家四壁如相如卷藏天祿吞石渠豈惟鄴侯三萬軸
家有世南行祕書兒童拍手笑何事笑人空腹談經義
未許中郎得異書且與楊雄說奇字清江縈出碧玉環
下有老龍千古閑知君好事家有酒化爲老人夜扣關
留侯之孫書滿腹玉函寶方何用讀濠梁空復五車多
圯上從來一編足

送別

鴨頭春水濃如染水面桃花弄春臉衰翁送客水邊行
沙襯馬蹄烏帽點昂頭問客幾時歸客道秋風落葉飛
繫馬綠楊開口笑傍人依約見斜暉

御選宋詩

卷二

蘇軾

三

再過泗上

眼明初見淮南樹十客相逢九吳語旅程已付夜帆風
客睡不妨背船雨黃柑紫蟹見江梅紅稻白魚飽兒女
慇懃買酒謝船師千里勞君勤轉櫓

清遠舟中寄耘老

小寒初度梅花嶺萬壑千巖背人境清遠聊爲泛宅行
一夢分明隨鄉井覺來滿眼是湖山鴨綠波搖鳳凰影
海陵居士無雲梯歲晚結廬潁水潄山腰自懸蒼玉珮
野馬不受黃金羈門前車蓋獵獵走笑倚清流數鬚絲
汀洲相見春風起白蘋吹花散烟水萬里飄蓬未得歸
目斷滄浪淚如洗北鴈南來遺素書苦言大浸沒我廬

清齋十日不燃鼎，曲突往往巢龜魚。今年玉粒賤如水，
青銅欲買囊已虛。人生百年如寄爾，七十朱顏能有幾。
有子休論賢與愚，倪生枉却帶經鋤。天南看取東坡叟，
可是平生廢讀書。

李白謫仙詩

我居青空裏，君隱黃埃中。聲形不相吊，心事難形容。欲
乘明月光，訪君開素懷。天杯飲清露，展翼登蓬萊。佳人
持玉尺，度君多少才。玉尺不可盡，君才無時休。對面上
笑語，共躡金鰲頭。絳宮樓闕百千仞，霞衣誰與雲煙浮。

御選宋詩

卷二十八

蘇軾

御選宋詩卷第二十八

